

EMALIO


In roman da fantasy da Flurina Albin e Stina Hendry



CUNTEGN

1. Avon biars onns	7
2. Ina sentupada nunspitgada	11
3. Il destin cloma	21
4. Il viadi entscheiva	49
5. La magia	69
6. La blessura	99
7. Il document	117
8. La spada	141
9. Forzas novas	151
10. Ella Paliu da Nevanda	169
11. Spartavias	189
12. Senza speranza	201
13. Il labirint	209
14. Spiord	235
15. Il Fegl dalla notg tuorna	261
16. Ina nova dimensiun	291
17. Silla Planira dalla Mort	309
18. Il temps da resvegli	345

I. ΔΥΘΗ ΒΙΔΡΣ
ΘΠΠΣ



All'entschatta eran ils centaurs. Umens e dunnas cun corps da cavals. Firms sco negin'otra creatira. Els vivevan en pasch cun natira ed animals. Da quei temps vivevan ins sco el paradis. Negin piteva fom, negin piteva seit. Quei temps ha denton buca cuzzau per adina. In di ein creatiras novas vegnidas, umens cun mantials ed egls ners sco fulin. Els ein vegni per sgurdinar la pasch, mazzar ils centaurs e haver la pussonza en quella tiara. Ils biars dils centaurs ein vegni mazzai; quels ch'ein restai, ein fugi ellas muntognas. Entochen oz sa negin nua. Biars creian gnanc pli ch'els existien.

2. ĪṅA
SEṆTURADA
ṆUṆSPĪTGADA



Emalio enquera bulius. El ha gia anflau entgins cun gronds parisols e bests stagns. En schanuglias seruschna el sut ils pégn en alla tscherca dils fretgs gustus. Uldaunas ed uldauns han bugen bulius, atgnamein consistan tut las spisas da bulius e forsa aunc d'enzacontas frastgas giuvnas.

Senza s'encorscher s'avischina Emalio plaunsiu al vitg dils carstgauns. Per uldauns aschi giuvens sco el eis ei atgnamein scumandau dad ir aschi datier da lur vitgs. Mo leu dat ei semplamein ils megliers bulius, queta Emalio.

Tuttenina auda el grius sgarscheivels. Tementaus sezuppa Emalio el cagliom. Tgei ei capitau ch'ils carstgauns fan ina tala canera? Plaunsiu cuchegia el ord siu lagugn e quei ch'el vesa ei sgarscheivel: umens cun mantials ners train la glied ord las casas e ligian tuts in vid l'auter. In um vegl vul scappar, mo el vegn buca lunsch, in um cun manti ner setta ina lontscha. Cun in griu croda il vegl giun plaun.

«Quel era aschia ni aschia memia vegls», di igl um cun ina vusch aschi freida sco glatsch.

Emalio vul gidar, mo el sa ch'els mazzassen in uldaun gest aschi spert sco igl um vegl. Quels umens ners ein vegni avon liung temps cheu en quella tiara. Dapi quei di regia uiara e pupira. Bia sa Emalio buca sur da quellas creatiras ch'ei ni carstgaun ni animal, denton avunda per saver che quels ein nauschs, nundetg nauschs.